



Australian Government  
Department of Home Affairs



## Jael kea long Adol Maegren Inglis Prokram (Adult Migrant English Program)

Yu nidim jael kea blong save atendem ol klas blong Adol Maegren Inglis Prokram (Adult Migrant English Program - AMEP)? Taem yu stap long wan klas blong AMEP, oli save provaedem fri jael kea blong ol pikinini blong yu we oli stap andanit long ej blong go long praemeri skul.

AMEP sevis provaeda blong yu bae i traem blong arenjem jael kea we hemi stap klosap long hom o AMEP klas blong yu, we hemi sud tekem andanit long 30 minit blong yu kasem. Be samtaem bae i no save posibol olsem. Bae ol AMEP sevis provaeda oli traem bes blong faenem wan jael kea we hemi klosap long yu.

Bae ol AMEP sevis provaeda oli traem blong arenjem wan jael kea we bae i stat long semak taem wetem stat blong AMEP kos blong yu. Bae oli traem blong kasem jael kea blong ol dei we yu stap long klas. Samtaem hemi no posibol blong kasem jael kea hariap o maet oli givim jael kea blong sam dei nomo kasem taem oli save letem pikinini i go long ol narafala dei.

Oli givim fri jael kea long taem yu stap long klas blong AMEP nomo. Oli no save givim blong ol nara aktiviti yu mekem we hemi aotsaed long ol taem blong klas blong AMEP. Taem yu no stap atendem wan klas blong AMEP, o sapos yu finisim kos blong yu, yu mas arenjem jael kea yu wan. Sapos pikinini blong yu bae i no atendem jael kea long enitaem, hemi impoten blong yu letem AMEP sevis provaeda blong yu i save. Hemi blong mekem se oli save ajastem eni buking blong jael kea we oli mekem blong yu.

Sapos yu mestem plante klas blong AMEP, bae sevis provaeda i save kanselem jael kea we oli bukum blong yu. Sapos yu kambak long AMEP, bae yu save kasem fri jael kea bakegen, be maet yu mas wet blong faenem stret jael kea bakegen.

Taem yu stap arenjem jael kea, bae AMEP sevis provaeda blong yu i save givim plante opsen long yu blong yu save statem stadi blong yu hariap. Olsem eksampol, maet oli askem blong yu:

- Stadi long wan komuniti senta we hemi gat jael kea insaed long hem
- Travel longwe moa bitim wanem we yu wantem
- Stadi wetem wan volontia tija o tru long distens laning kasem taem oli faenem wan stret jael kea blong yu.

Sapos jael kea we oli faenem hemi no kasem nid blong yu, yu sud tokbaot wetem AMEP sevis provaeda blong yu.

Blong kasem moa infomesen long saed blong jael kea, plis toktok long AMEP sevis provaeda blong yu.